

# INUIT ATAQATIGIIT

## INATSISARTUNI



17. juni 2021

UPA2022/30

Inatsisartut suleriasianni § 36 naapertorlugu apeqquteqaat aallaavigalugu oqallisissiaq imattoq matumuuna saqqummiuppara:

**Qanoq iliorluni illoqarfigisaq qimallugu erniartortatut ilaquaalu pitsaanerpaamik sullinnejarsinnaanersut pilligit apeqquteqaat aallaavigalugu oqallisissiaq.**

(Inatsisartunut ilaasortaq Mikivsuk Thomassen, Inuit Ataqatigiit)

Illoqarfigisaq qimallugu erniartoqartariaqarneq isummannannerusumik ernisoqarsinnaanissa uloriarnartorsiortoqarsinnaaneralu peqquataallutik kiisalu ernisussiortussaaleqineq ilinniarsimasunillu sulisussaaleqineq peqquataalluni atuuppoq.

Nunatsinni peqqinnissaqarfiit nunap immikkoortuinut eqiterneqarnikuupput, Nuuk, Ilulissat, Sisimiut, Qaqortoq, illoqarfiillu avataani najugaqaraanni illoqarfigisaq qimallugu erniartortoqartarpoq, taamamaattumillu ernisussat piffissami sivisusinnaasumi ilaquitatik qimallugit ernisafilinnut aallartariaqartarlutik. Taamatut aaqqissuuussisimanerput ernisussamut ilaqtariinnullu oqitsuinnaasanngilaq.

Erniartortoqartillugu angajoqqaat avissaartinneqartarput. Ilaatigut nakorsat peqqissaasullu aalajangigaannik tassanngaarnartumik aallartoqartarpoq. Taamatut pisoqartarnera ilaqtariinnut sakkortusinnaavoq ingammik nalorninartorsiortinnut pisoqaraangat. Taassuma saniatigut timikkut tarnikkullu aallarluni erniartorneq ilaqtariinnut tamanut nukinnik atuiffiusarpoq. Takorlooriaruk illoqarfimmot takunikuunngisannut ilaquaqarfiginngisannut inunnnullu nalulluinnakkannut erniartussallutit, taamaasisoqartillugu ernisussaq uippakajaalersinnaavoq annilaangasoqalerluniluunniit, taamaattoqartillugulu naartuumut sunniuteqarnerlussinnaavoq.

# INUIT ATAQATIGIIT

## INATSISARTUNI



Ernisussiortut kattuffiata erniartortitsisarneq pillugu isornartorsiuinera tigussaalluinnartutut isigaara<sup>1</sup>. Tassami erniartornermi ernereernerullu kingorna isumatassimangaarnermik nalaataqartoqarsinnaavoq. Tamamaammallu erniartortitsisarnitta ukkatarineqarnissaannik Ernisussiortut kattuffiata oqartuutaa aalajangiisartutut oqallisisissagipput isumaqartunga.

Ernisussiortut Kattuffia avammut nalunaarummini allappoq illoqarfimmut allamut erniartortoqassagaangat anaanasup pisinnaatitaaffigisariaqaraa ataataasoq ilaquaasorluunniit peqataatinnissaa. Tamannalu oqallisigineqartariaqartoq allalluni. Tamanna partiit qanoq isumaqarfigaat?

Aamma qanoq ililluta angajoqqaanngortussaq toqqissimasumik atugaqartinniarlugu aaqqissuisoqarsinnaavugut? Isumaqpunga erniartortitsisarnermut aaqqissuussisimanerput qanoq pitsaanerulersissallugu oqallilluarsinnaasugut, taamaaliorssinnaavugut Peqqinnissaq Pillugu Ataatsimiitaluarsuaq isumalluutiginngikkaluarlugu.

Siullertut isumaqpunga erniartortarneq meeqqamut ilaqtariinnullu pitsaasumik sunniuteqassappat siusissumik iliuuseqarnikkut aqqutissaajuartariaqartoq. Toqqammaviussaaq meeqqap naarmiuunerminnit pitsaasumik toqqissisimanartumillu sinaakkusigaasumik inuaqatigiinnut akulerunnissaa.

Naalakkersuisunut apeqquteqaatigisama<sup>2</sup> akissutaanni takuneqarsinnaavoq nunagisaq qimallugu erniartortarneq pillugu misissuisoqarsinnaaneranik Naalakkersuisut pilersaaruteqaruteqanngitsut, misissuisoqassanngippat taava

<sup>1</sup> Sermitsiaq: <https://sermitsiaq.ag/kl/node/219178>

KNR: <https://knr.gl/kl/nutaarsiassat/ernisussiortuunerit-kattuffiat-nunatta-sineriaani-ernisarneq-ukkatarineqarnerulissaag>

<sup>2</sup> Apeqqut 026-2020: [https://ina.gl/documents/para3637/2020/svar/026\\_2020RegionalSygehuseMTHO\\_akissut.pdf](https://ina.gl/documents/para3637/2020/svar/026_2020RegionalSygehuseMTHO_akissut.pdf)

# INUIT ATAQATIGIIT

## INATSISARTUNI



piffissanngunnginnerluni      erniartortarnerup      pitsanngorsaaviginissaannut  
ukkassinissarput?

Taamaatut      apeqquteqaat      aallaavigalugu      saqqummiussillunga  
oqallilluarnissassinnik kissaappassi.